









張太岳先生詩集卷之一

江陵 叔大張居正 著

後學 雷思霈 校

馬啟圖

繡谷唐國達 梓

五言古

恭述 祖德詩

赫赫我太祖應運開鴻基仗劔起濠梁羣雄摧若  
遺威德加四海混沌分兩儀勲華信巍煥典則仍貽  
垂成祖靖內難桓桓東征師奠鼎卜燕朔犁庭掃





兇夷武功旣燁赫文命迺丕釐瑤圖仰再造萬國歌  
重熙 景陵躬睿質披覽復忘疲斂衽接三輔一德  
無猜疑大淵間臨幸政務日疇咨大哉 帝訓編道  
法何纚纚 孝皇具至性恭已秉謙祗內庭遠嬖幸  
外囿絕遊嬉崇儉嘗却貂聽言猶轉規太平十八祀  
萬姓有遺思 肅祖起南服龍飛會昌期屬當改絃  
初制作命夷夔論道闡敬一明倫垂典彝 九重握  
金鏡太阿恒自持臨御逾四紀恭已化無爲 二祖  
肇皇綱 三宗奠天維成功燭宇宙濺澤洽蒸黎  
我皇亶神聖明兩赫重離河山光大業 宗社錫繁



禧締構想艱難豐芑思燕詒儀刑見羹牆謨訓遵著  
龜率乃祖攸行萬世永有辭愚臣備樞軸理道慚無  
裨敬陳 祖德篇惟 帝其念茲

恭勵 聖學詩一首

元后輔萬邦綏猷良不易若稽古哲王多聞乃建事  
堯舜帝者宗精一闡微義夏禹既祗德殷高亦遜志  
成后務緝熙周詩詠小毖倚歟休烈光英聲播來嗣  
今皇體獻明冲齡纂神器爰當訪落初卽敞金華  
秘書帷簡儒彥藝圃覃文思朝旻不遑暇寒暑靡暫  
離宸宇仰休明風雲慶遭際顧以謏陋質無能補天



地願言崇 聖功問學登純懿勿云天聰明無爲事  
博識圖書足自娛兼之益神智勿云富春秋茂葉聊  
可諉寸陰重逾璧居諸易流駛勿云履崇高優游保  
天位君心苟縱逸萬幾遂顛墜勿云當燕閒可以快  
志意一暴而十寒細行終爲累戒彼鴻鵠心專精道  
乃致暫御必端良勿狎於非類爲山九仞崇成功歸  
一簣慎初惟克終永保無虞治愚臣職司規敢

以告中侍

恭頌 母德詩一首

聖化基中間坤儀貞萬方塗山翼夏啓文母誕周王  
徽音著彤管奕奕流芬芳我 明肇造初孝慈佐高



皇艱難扶景運在宥相乾綱補苴感將士採拮親蚕  
桑居貴不忘儉大練爲衣裳文皇勤厥家亦由內  
德良思媚惟仁孝箴言足贊襄嘗爲女訓篇睿謨  
何洋洋呂霍垂永鑒寵溢慎其防休哉二后烈邁  
彼姒與姜貽謀及來裔繩繩慶方將猗歟我聖母  
世德宣重光扶天致昇平毓聖纂靈昌履盛彌  
勤恪秉禮日矜莊內庭政無譁外家恩有常明達信  
如此馬鄧豈足望九重勤孝養萬寓際時康永言  
綏壽祉地久與天長

擬西北有織婦



西北有織婦容華豔朝光朝織錦繡段暮成龍鳳章  
投杼忽長吁怒焉中自傷綿綿憶遠道悠悠恨河梁  
遠道不可見淚下何浪浪春風捲羅幙明月照流黃  
山川一何阻雲樹一何長安得隨長風翩翩來君傍  
願將雲錦絲爲君補華裳

東李鵲野

同居長安城累月阻談讌雖無簿領急嬰此微痾患  
日夕想音徽躑躑夜參半况茲霜霰積淒其歲云晏  
靡靡衆芳萎苒苒物候變已愴世慮嬰兼之越鄉歎  
非君慰寂寥幽思何由見



述懷

豈是東方隱沉冥金馬門方同長卿倦臥病思梁園  
蹇予秉微尚適俗多憂煩側身謬通籍撫心愁觸藩  
臃腫非世器緬懷南山原幽澗有遺藻白雲漏芳蓀  
山中人  
不歸衆卉森以繁永願謝塵累閒居養營魂  
百年貴有適貴賤寧足論

送高廉泉之任

秋風振燕山念子當遠征離鴻遵別渚驚呼求其朋  
征馬鳴蕭蕭僕夫促嚴程願言不能終揮涕沾長纓  
歡觴爲悲酌清絃動哀聲携手臨廣陌含情各酸辛



風塵何擾擾世途險且傾勉哉崇令德慰此離索情

送黎忠池二首

在昔同心秘出入承明闥蹇余陋劣姿謬得偶賢達  
慷慨金蘭契晤言懷抱豁如何歡讌促倏忽萬里別  
婉戀夙昔意一旦成契闊閩海出悠悠征途候明發  
感舊思方積悵遠情彌怛一望潞河水愁心不可越  
余有歸與與抱病淹朝秩君懷濟世心攬轡辭皇邑  
以茲負羈羽羨彼搏雲翼况多感慨情世慮纏胞臆  
盈盈別淚泫漫漫岐路及不惜去日遠我懷誰與析  
世路方嶮巇修名苦難立願以皓首期無爲素絲泣



適志吟

有欲苦不足無欲亦無憂義和振六轡駒隙無停留  
我志在虛寂苟得非所求雖居一世間脫若雲煙浮  
芙渠濯清水滄江飄白鷗魯連志存齊綺皓亦安劉  
偉哉古人達千載想微猷

蒲生野塘中

蒲生野塘中其葉何離離秋風不相惜靡爲泉下泥  
四序代炎涼光景日夕馳榮瘁不自保倏忽誰能知  
愚暗觀目前達人契真機履霜知冰凝見盛恒慮衰  
種松勿負垣植蘭勿當達臨市嘆黃犬但爲後世嗤



羽林郎

霍家蒼頭兒姓馮名子都寵借將軍恩身爲執金吾  
朝遊平樂觀暮宿酒家壚青絲宰驪馬觀者隘路衢  
鬪雞狹邪道結客平陵隅杯酒吐然諾千金爲錙銖  
司隸不敢問豪吏徒盱眙勢利可薰人寧論知與愚  
吁嗟原憲輩白首困桑樞

余有內人之喪一年矣偶讀韋蘇州傷內詩愴  
然有感

昔人怨離居余亦羅斯患銜情對嘉藻掩卷空長嘆  
蹇薄邁運屯中路棄所歡嫵婉一何促飲此長恨端



離魂寄空館遺嬰未能言玉匣拚明鏡塵埃雙帶盤  
感此意慘愴觸物憂思攢落月挂虛牖淒霜生暮寒  
沉綿夜方永倏忽歲已單滯慮信爲感幽懷詎能寬  
悲哉難具陳淚下如迸瀾

朱鳳吟

朱鳳失其羣十年不得雙早棲漢宮樹獨啄瑤草芳  
羽族雖萬類誰可相頡頏西來見王母假我青鸞皇  
翳我上太清飄飄浮雲翔竹實已千載修梧蔽扶桑  
窮覽週八極遨遊仰三光仙遊誠足娛故雌安可忘

喜雨獨酌



振風起西北飄飄撼庭幹長空響洊雷驟雨何霖亂  
奔騰走蛟龍倒瀉傾河漢倏忽庭除下森漫生波瀾  
沾灑遍枯槁翩翹舞沙燕遙嶺合翠微平林鬱蔥蒨  
伊余困積熱閒居解簪弁披襟臥北窗橐管辭東觀  
嘉此涼霽愜且復屏統扇開樽聊命觴欣豫以濡翰  
同汪雲溪太守李龍洲侍御劉百洲太守錢羅  
湖州守岳東潯別駕登懷庾樓

丹樓造天居遐瞰靡不周江聲動地轉楚岫與雲浮  
索處獨無緒騁望且銷憂况茲邁芳月欣賞籍名流  
輕煙翳華薄時雨霽芳洲灌木鳥嚶嚶飛鳴求匹儔



景物既蔥蒨嘉會亦綢繆但恐濛汜夕餘光不可留  
風塵暗滄海浮雲滿中州目極心如愁顧望但懷愁  
且共恣嘯歌身世徒悠悠

修竹篇

孤篠植汶陽籊籊挺陰崖何似侶幽人結根煙水湄  
修枝拂杳靄接葉映漣漪陰森野氣積戛擊涼飈吹  
朝露綴瓊玖宵月蔭參差水吟蛟龍蟄雲盤鳳鳥儀  
永願老煙霞寧知勞歲移但畏伶倫子截此凌霄枝  
裁鑿豈不貴所患垂天恣亭臯霜露下淒其卉草衰  
願以歲寒操共君搖落時



雨霽遊蕭氏園亭

端居苦沈鬱振策憩雲林夕雨盪氛埃惠風扇輕陰  
以茲景色麗翛然生遠心披榛尋徑曲排雲眺嶠嶽  
摎松宿煙靄延蘿挂襟簪江花送餘馥山鳥懷好音  
仰欣天宇闊俯視萬卉森洗觴幽樹底長嘯白雲岑  
折蒙霏瓊屑濡毫動蘭吟日夕車馬散林塘紫翠沈

七賢咏

余讀晉史七賢傳慨然想見其爲人常嘆以爲微妙  
之士貴乎自我履素之軌無取同塗故有謗讟盈於  
一世而獨行者不以爲悔沈機晦於千載而孤尚者



不以爲悶斯皆心有所愜遊方之外者也夫幽蘭之  
生空谷非歷遐絕景者莫得而采之而幽蘭不以無  
采而減其臭和璞之緼玄巖非獨鑒冥搜者誰得而  
寶之而和璞不以無識而掩其光蓋賢者之所爲衆  
人固不測也况識有修短跡有明晦何可盡喻哉今  
之論七賢者徒觀其沈酣恣放哺啜糟漓便謂有累  
名教胎禍晉室此所謂以小人之腹度君子之心獨  
持繩墨之末議不知良工之獨苦者也嘗試論之易  
翼有言天下同歸而殊塗一致而百慮故語默不同  
其撰一也弛張異用其旨歸也巢由抗行稷契宣謨



並容於堯代箕子佯狂比干死諍俱獎於宣尼世豈  
有異議哉余觀七子皆履冲素之懷體醇和之質假  
令才際清明遇適其位上可以亮工弘化贊興王之  
業下可以流藻垂芬樹不朽之聲豈欲沈淪滓滅無  
所短長者哉而值禪代之朝在玄黃之際當塗之鼎  
未移睥竊之謀已熾司馬父子自以人心未厭懼大  
業中傾於是芟除異已樹值同盟世家鼎族咸就誅  
鋤名德才流並罹荼毒方其豪主狼吞羣才鳥盡於  
斯時也進欲佐命成功則賈充荀勗之儔七子之所  
恥也退欲高蹈遠舉則孤特自表以速患害又七子



之所不爲也自以道高才儻深慮不免故放言以晦  
貞沈湎以毀質或吏隱於廊廟或泊浮於財利縱誕  
任率使世不得而羈焉然其泥蟠淵默內明外穢澄  
之不清深不可識豈與世俗之蒙蒙者比乎蟬蛻於  
糞溷之中爝然涅而不緇者也其清言名理冲襟逸  
度猶足以拔起後生澇漉沉溺彼王澄胡毋彥國之  
倫遇旣殊時才復異等而希心玄勝妄意宗流徒竊  
皮毛遺其神髓殆所謂畫虎不成反類狗者也世遂  
以此詆訶前人因噎恚食豈不枉哉若夫中朝喪亂  
胡羯猖狂彼自以負荷乏人貽謀不令識者已鑒於



數十載之前矣又豈七子之過耶嗟乎大鵬翔於寥  
廓斥鷃戲於枋榆鈞天之庭豈工師之所躡無航之  
津非鼃鮒之所遊世之汨沒於腥羶者固無足道而  
小儒曲士自守一節又烏可以談尺寸之外哉七子  
之義幾於晦矣昔司馬子長願執鞭於晏子長卿託  
名於相如此人皆懸解神契不隨俗之好惡者余竊  
高七子之節因以暇日叙述遺事各爲短咏以紓其  
幽致雖不敢謂獨契古心庶亦不移流俗亦冀玄覽  
達觀君子有以明余之志焉

阮步兵



阮公生人表英才固天啓解角風塵會戢翼雲林裏  
從容謝婚媾沈湎混混滓郁彼咏懷言寄辭蘊玄理

稽中散

中散龍鳳姿雅志薄雲漢少無適俗韻早有餐霞願  
調高豈諧俗才雋爲身患纏悲幽憤詞結恨廣陵散

山司徒

巨源江海情本欲全高尚蕭洒秉樞軸疇能測弘量  
密識旣淵沈清心亦玉亮談笑獎人倫千齡稱哲匠

劉參軍

參軍倅儻客逸氣凌八紘任真蒙叟放慢世長卿情



頌酒固有託荷鍾真達生顧念區中士燕雀空荆榛  
王安豐

濬冲夙清拔志與浮雲徂時哉忽遷化緬邈黃公壚  
雖有纓紱累終知世網踈鑽李豈通蔽持籌乃自汙  
向常侍

予期耽玄默山陽違心侶南華洩幽秘奧義清泉吐  
躡履登承明詭對輕巢許悲涼懷舊篇獨共冤魂語  
阮始平

仲容寡名欲越禮自踈放審均非術解達識由神曠  
媿美衆所嫉出守情彌暢萬物莫能移斯言誠可諒



夜燕曲

朗朗宵月流爛爛河星光晝樂苦不足夕宴啓高堂  
旨酒千春醞瓊筵百福香清管發東謳豔舞進西倡  
綺羅紛襍遯言笑吐芬芳明珠垂列壁錯落黃金缸  
千金壽客飲萬年酌主觴薜華耀朝日桃李熙春陽  
月魄不重盈花落豈再揚悟彼蟋蟀歎爲樂及時康  
朱光發東白歡虞方未央

怨歌行

步出上東門桃李夾路傍花花自相對葉葉自相當

一解



迢迢蘭渚東綠水雙鴛鴦飛鳴嚙儔匹行上自成行

解二

牽牛不負軌織女虛七襄可憐仙靈匹萬古限河梁

解三

種蓮高山顛枝葉那得長斷綆落銀瓶何由汲寒漿

解四

馳波赴東海晦魄淪宵光盛年若爲容顙顙令心傷

解五

再寄胡劔西二首

昔我遊京華通籍金馬門鏘鏘衆英列璀璨富瑤琨



夫君起豫章五色鳴朝暉流藻發春華吐論瀉洪源  
伊余信薄劣攀雲仰天閭如彼枋榆翩翩飛附大鵬  
省已終日慙偃臥返丘園刼來清江濱三易涼與溫  
誰言棲息異契濶有成言流俗薄素交久要古所敦  
埧簷不同器和鳴發宮商方圭與圓璧俱登君子堂  
民生各有性迭用異柔剛羨君倜儻槩千里何昂昂  
而我荏弱姿忍垢懼發鉉偏智守一隅語默互相妨  
通人貴兼畜忘已歸大方韋絃著罔戒黑白耀文章  
所願共追琢德音長不忘翳彼他山石可用瑩精光

瀟湘道中



引大岳文集 卷之一  
江南佳麗地靈境信隈隩連峰造天關石笋插雲足  
我前擁煙霞我後映松竹飛竇洒征衣山光盪人目  
朝採碧澗藻夕息清湘曲側想素心人浩歌渺空谷  
逸駕如可從吾當謝簪笈

### 暮宿田家

暝投谷田港野日沈荒岡行子昧所如假息墟里旁  
野老喜客至開門下嚴裝坐我茅簷下飯我新炊粱  
兒童四五輩趨走行壺漿箒箒有餘粒飭舍遶叢篁  
攘袂再三起向我誇耕桑體貌雖村愚言語多慷慨  
世儒貴苛禮文繹意則涼大美不俟和素質本無章



感此薄流俗側想歌皇唐

謁岳廟作

炎州標靈嶽巋然奠南極興雲翊帝工蔭峰直軫域  
千秋儼廟貌邦典祀有秩我來叩幽秘躋雲屢登陟  
齋心肅永夜盼嚮如可卽髣髴邁真侶排空假羽翼  
授我玉拌藥光耀有五色瑤草吐雲英金書啓石室  
顧慙塵土軀恐負心所憶願言藉神休精誠倘能值

祝融峰

祝融羣峰表律岑萬古雄采虹挂丹磴邈若升蒼穹  
舉手捫太微天關洞開通璀璨南斗星垂珠當我曾



俯瞰六合內  
沆漭煙雲重  
浩如太始初  
二氣涵冲融  
須臾湧陽景  
倒挂扶桑東  
瀛海不復辯  
三山安可窮  
寄謝馭風子  
吾將遊混濛

謁晦翁南軒祠示諸同志

兩賢異鄉域  
千里還相求  
祇爲戀徒侶  
能忘路阻修  
我行躡遺跡  
仰見祠屋幽  
高山近可仰  
嘉會亦綢繆  
祠前堂名嘉會  
俛首念疇昔  
戚戚懷殷憂  
能抱遺俗心  
賦質闇且柔  
羸肩負喬嶽  
有志力不遒  
願我同心侶  
景行希令猷  
涓流匯滄海  
一簣成山丘  
欲騁萬里途  
中道安可留  
各勉日新志  
毋貽白首羞



同貞菴殿下李羅村飲述齋園亭

結侶芳春時置酒忘憂館  
旣枉東阿輒復集西臺  
彥韶物詎能幾繁花開已爛  
芳林啼早鶯雕梁語新鷺  
徘徊花林間坐惜流光換  
朝遊忘景晏夕遊候宵半  
華月麗層穹河星出有燦  
四座咸怡豫羽爵行無算  
歡追鄴下踪賞挹平臺宴  
伊余媿薄劣謬忝同聲睠  
開緘翫嘉藻入手明珠璨  
勝遊如可續及此陽春旦

人日對雪贈朱鎮山

今日良宴會噓瑄測候移  
况逢春風起吹雪下瑤墀  
九達密如繡雙闕影離離  
煙郊亂晴絮遠樹放華滋



佳此景色麗  
嫵婉覲心知  
且爲陽春吟  
願子驅車遲  
驅車雪上飛  
下車冰已泮  
翹首望嵩高  
遙遙隔河縣  
仙花行可采  
汴柳看應情  
窮谷旣晞陽  
東人亦待旦  
戀侶徒搖搖  
驪駒安可絆  
仰攀瓊樹枝  
聊以贈繾綣

宿荆門寄懷郢中知舊

秋分氣已厲  
原野莽蕭森  
我行未越疆  
已覺離思深  
解轅造山館  
山館靄沉沉  
朝行畏霜露  
夕息憶重衾  
飄雪出遠岫  
落葉辭故林  
已愴物候變  
况驚離別心  
違顏曠庭彩  
戀侶解朋簪  
徂途指有餘  
歸鞅杳難尋  
引領飛鴻翼  
遲爾江上音



獨漉篇

先生文集卷之二

獨漉獨漉羊腸坂曲積羽叢輕翻車折軸彼何者鳥  
來往翩翩幾腐啄腥嚇鳳驚鸞妻兮菲兮貝錦是張  
楔狗所吠吠此宵行同行竊金按劔相疑子實不良  
畏我子知銜珠向君精光可燭小人在旁猥曰魚目  
國士死讓飯漂思韓欲報君恩豈恤人言



國士人難遇思韓裕時吾思豈叫人言

男姓千喚謝米同岳辭米可謝小人吾民歎曰魚目  
將碎夜知大北宵行同行辭金赴險時幾千實不負  
來封臨臨樂齒和里赫鳳驚驚驚妻令菲令貝融是飛  
謝謝謝謝羊謝謝曲謝謝謝謝謝謝謝謝謝謝謝謝謝

謝謝謝

是兩江上音



新刻張太岳先生文集卷之二

七言古

遼左奏捷

長白山前畫傳箭鮮卑羯兒騎如電軍書昨夜馳樂  
浪天子登壇策飛將羽林六郡稱材雄擬金伐鼓  
蒲河東左馘名王右生虜歸來血染寶刀紅胡笳吹  
落關山月捷書飛報承明闕洗兵遼陽海水沉立馬  
天山陣雲沒皇恩已讐五單于小醜那復憂東胡  
將軍超距稱雄略制勝從來在廟謨

恭題

文皇四駿圖四首



龍駒

鄭村壩大戰曾堂着一箭都指揮丑丑拔箭

天馬徠翼飛龍蹄削玉耳垂筒碧月懸雙頰明星貫  
兩瞳文皇將士盡熊虎復有龍駒助神武流矢當  
曾戰不休汗溝血點桃花雨壩上摧鋒第一功策勲  
何必減元戎君不見虎士標形麟閣裏龍駒亦入畫  
圖中

赤兔

白溝河大戰曾堂着一箭都指揮亞失帖木拔箭

雷錡錡北軍來赤兔走黃雲開攬身超夾澗策足絕  
塵埃白溝原頭振輦鼓貫陣穿營猛如虎穆王赤驥  
詎爲奇昭陵發電應難數百戰間關未解鞍箭瘢還



向畫圖看只今四海昇平日誰識當年締構難

棗驪

小河大戰曾堂一箭後兩曲池一箭安順侯脫火赤拔箭

紫驪馬金絡月朝刷燕脯秣越倣精權奇超驤走  
滅沒當年萬馬盡騰空就中紫驪尤最雄戰罷不知  
身著箭飛來祇覺足生風北風獵獵吹原野長河水  
漸血流赭誰言百萬倒戈中猶有彎弧射鈎者

黃馬

靈璧縣大戰後曲池著一箭前指揮雞兒拔箭

軒后興龍馬翔駕天駟乘飛黃迴頭看紫鷺顧影失  
超光 君王神武古來少萬里煙塵一劒掃馬蹄蹴  
處山爲摧何論陳暉與平保揚鞭渡淮淮水清金陵



父老壺漿迎從此華陽休峻足山河重整泰階平

恭詠 畫鹿四首

鹿濯濯在靈囿崢嶸玉角新點染霜毫秀捧駕應從  
西極來御環欲獻南山壽

鹿呦呦食野萍松間求友出泉上引麋行齊宮漢苑  
紛相狎豐草長林空復情

鹿麇麇聚中原草香尋宿麝樹暝伴啼猿虞山尚憶  
羣遊地梁沼還承顧盼恩

鹿牲牲在中林養茸芳徑暖照影碧溪深上苑不須  
驚羽獵 皇仁應有放麇心



太平歌

中興日月開明庭垂衣御宇朝萬靈雞鳴入問龍樓  
寢燕坐親談虎觀經四時玉燭調元氣萬國梯航皆  
遠至雅奏應諧韶護音豫遊不事漫延戲太平之象  
復如何五風十雨禾黍多小臣拜手陳無逸願以兢  
兢保太和

送勅使閱武

貔貅百萬護神京細柳雲屯大將營雄稱六郡良家  
子氣壓三河俠少名我皇中興初復古四海時平  
猶整旅巡邊勅使出承明奉詔臨戎來閱武麒麟



麟錦帶佩于將魚鳥分麾躍驪驪擐甲林林皆鼓勇  
彎弧一一直穿楊軍威萬里播幽朔胡天已見旄頭  
落始知頗牧在禁中何事勞師勤遠略

白燕曲四首

白燕飛兩兩玉交輝生商傳帝命送喜傍慈闈有時  
紅藥堦前過帶得清香拂繡幃

白燕來呈瑞向瑤臺暎日靈姿璨凌風雪翼開春長  
花發春宮裏弄影雙飛日幾迴

白燕翔素影落銀塘交飛紅茵薈遙暎紫鴛鴦太平  
景物先呈兆燕喜年年樂未央



白燕舞日照葵心午輕縠剪躑衣清歌諧細語感德  
蹌蹌儀舜庭呈祥蒿蒿來文囿

應制題畫馬二首

五花驄馬青絲絡宣德年中景陵作只今百五十  
年餘生氣權奇宛如昨良樂一顧價千金爭似君  
王寶愛深非緣愛物圖神駿要識兢兢朽索心  
丹青好手曹韓筆貌得天閑紫驪匹晨鳧飛燕敢爭  
雄絕景超光意俱失漠漠胡沙瀚海秋幾隨漢將覓  
封侯時清斂却追風足芳草閑眠飲碧流

元夕行



今夕何夕春燈明燕京女兒踏月行燈搖珠彩張華  
屋月散瑤光滿禁城禁城迢迢通戚里九衢萬戶燈  
光裏花怯春寒帶火開馬衝香霧連塵起絃管紛紛  
夾道傍遊人何處不相將花邊露洗雕鞍濕陌上風  
迴珠翠香花邊陌上煙雲滿月落城頭人未返共道  
金吾此夜弛但愁玉漏春宵短御溝楊柳拂銅駝柳  
外樓臺襍咲歌五陵豪貴應難旋一夜歡娛奈樂何  
年光宛轉不相待過眼繁華空自愛君不見燕臺向  
時歌舞人歌舞不聞明月在

送徐浴泉考績還任



使君來從函谷關獨驂兩鳬翔雲間  
君王爲念秦父老再借旗旆西來還  
長安三月春已暮渺渺離亭暗燕樹  
念我空多別後思憐君更向來時路  
太行連天煙霧多終南西望愁經過  
莫嗟遠別春明外計日鵷行聽玉珂

三瑞詩爲嚴相公賦

仙翁來跨兩青龍頭骨豎削而龍從化爲雙竹凌蒼穹  
山中夜雨飛龍去唯見孫枝滿舊叢  
延恩閣何崇崇下見芝草紛芊茸光曜五色輪困其中  
日月所照精英所鍾主人壽考百福隆商雒之歌



安可同

猗嗟蓮誰所移葆盤礴花紛披靈根迴與凡卉異太  
華之種爭神奇聯跗共蒂彩燁燁華堂清蔭相參差  
初疑天孫來雲錦光陸離俄驚弄珠侶濯波江水湄  
扶植元因造化功愛護似有神明持君不見秋風江  
畔衆芳萎唯有此種方茂蕤

曹紀山督學題老子出關圖見寄謝之

君不見赤鳥東飛寶鼎斜豐宮鎬殿煙塵遮王風寂  
寞萎蔓草豪國奔騰如亂麻仲尼乘桴泛東海伯陽  
西遊度流沙流沙迢迢幾萬里休氣榮光半空紫下



看六合滿塵埃鴻飛却在雲霄裏強畱著述傳後人  
鳳毛麟角寧足珍大象由來貴冥契世上言語徒紛  
紛君不見函谷關高凌深谷須臾改紫氣青牛竟何  
在千年石壁瑣空冥金書玉簡埋光彩苦思大藥駐  
朱顏逝水馳光豈相待我昔圖南奮溟渤身逢明  
主遊丹闕作賦恥學相如工干時實有楊雲拙一朝  
骯髒不得意翩翩歸臥滄江月故人知我烟霞心遙  
傳毫素寄雲林看圖髣髴猶龍面使我跌宕開塵襟  
塵襟已消豁世網誰能侵休言大隱沉金馬且弄扁  
舟泛碧潯他年紫閣如相憶煙水桃花深更深



贈國子馬生行

馬生年少負雄姿氣凌江海干雲霓二十作賦黃鶴  
棲四座驚聽陽春詞由來此曲和者寡眼底紛紛亂  
鄭雅鴟鵂跋躡風塵中驕驪伏櫪鹽車下爾來不覺  
四十餘有策未獻承明廬南山老棄孟東野渭橋那  
識馬相如吹竽自恥投齊好手提雙龍走燕趙縱觀  
七澤未足奇彈鋏躍馬長安道長安大道連狹邪五  
侯七貴競紛華歌鍾夜晏平陽宅玉樹朝開上苑花  
平陽上苑春如織意氣傾人生羽翼眼前空自愛繁  
華馬生視此淚沾臆富貴由來苦不常風雲變態如



瞬息不見當年許史家朱樓綺戶青雲逼一朝寵失  
門祚衰堂前一一生荆棘乃知世事如短蓬飄揚倏  
忽浮雲空丈夫且知貴適志安能綖曲坐樊籠燕山  
十月朔風起挽車欲度桑乾水翻然長嘆歸滄溟轉  
望青山白雲裡煌煌日照京路塵道傍相送車磷磷  
驅馬一去不復顧回頭却咲塵中人

槐溪書屋

澗濱子少年卓犖稱經綸五言下筆如有神手握隋  
和不易售十年閉戶槐谿濱槐谿繞澗春流滿靈境  
高踪兩幽絕載酒難尋楊子亭尋源豈識秦人宅三



十作賦登君門鳳凰在笄鶴在軒金花瑤草秘幽室  
白石蒼苔空履綦

寶劒篇

君不見昔時歐冶鑄雙劒乃是赤堇之金若耶之銅  
玄鼎烹煎自帝髓洪鑪鼓鑊炎精融冶開龍虎歛揮  
霍青天倏忽飛長虹神物變化世叵測誰知埋沒豐  
城側鹿盧剝落苔蘚暗龜藻朦朧土花食忽如赤道  
霾妖氛蟾闕金精太陰黑司空仰鑒斗牛精冥漠千  
年竟合并劇起幽泉霏雪冷洗開殘暈玉華明握中  
科斗深深見匣裏蛟龍夜夜鳴扶風豪士吳門客見



此倉惶喪精魄荆卿匕首色黯淡越國流星氣蕭索  
五都聲價詎能測一諾慇懃重想結提攜西向蜀關  
道萬里煙塵淨如掃山中野魅走慄慄水底長鯨欲  
奔倒至寶由來有冥契烈士得之壯懷抱君不見平  
陵男子朱阿游直節不肯干王侯却請上方斬馬劍  
攀檻下與龍逢遊丈夫礪礪貴如此何能齷齪混泥  
滓看君倜儻有奇槩贈此相逢慰知己尊前舞罷玉  
龍飛一道寒光迸江水

皇貴妃發引鼓吹詞附入

靈輜出祖沙河路夜月韜光霜積素綵鸞翔青鳥御



玉簫聲斷空煙霧行雲已飛去欲挽飈車難住天際  
蒼蒼陵樹極目傷心處

漢江

漢江東流風作波南船北楫愁經過舟師縮手抱雙  
槳對客唱公無渡河襄陽渡頭春可憐襄陽城北花  
含煙大堤高樓酒初熟歡吟且駐木蘭船

割股行

割股割股兒心何急捐軀代親尚可爲一寸之膚安  
足惜膚裂尚可全父命難再延拔刃仰天肝膽碎白  
日慘慘風悲酸吁嗟殘形似非中道苦心烈行亦足



憐我願移此心事君如事親臨危憂困不愛死忠孝  
萬古多芳聲

雪中柬劉生

十日不出風雨繁風號泉枯爭虓喧江頭梅蕊凍不  
發欲覓濁醪何處村城南處士索居者四壁寥然對  
虛牖桂薪玉粒烏裘敝千金賣文復何卽君不見五  
侯酒鑪紅燄天毳毼錦帳坐烹鮮閉門不肯學干謁  
被褐苦吟誰其憐

雙燕詞

燕燕東南飛翩翩舞衣亂弄影交栖秦帝宮合歡竝



入昭陽殿昭陽殿秦帝宮高樓幾處來春風珠簾繡  
柱宜朝日翠幌金鋪結晚虹嘯儔還命侶拂翠復翻  
紅細語巧隨歌管換芳泥解點杏梁空只愛春光共  
流轉寧知搖落秋江晚却憐海鶴與冥鴻翻飛獨傷  
孤雲遠

送黃將軍

雉飛不出林鵬舉輕千里男兒所志在四方何用碌  
碌困泥滓吾觀黃君風骨殊數奇不合長次且神鷹  
豈爲凡鳥顧騏驥終非轅下駒丈夫龍變世叵測風  
雲忽動垂天翼灞亭猶識李將軍冷灰復焰韓安國



東市駿馬北市韉酒酣咲揖黃金鞭寶劒平生心所  
重臨行持贈結交歡

應制荷花詩

液池涵聖澤靈卉吐仙葩皎素凝瓊雪輕妍簇綺霞  
蟠桃同介壽萱草並敷華歲歲臨長景年年應寶

應制題百子圖

新刻張太岳先生文集卷之二



細語功成  
風轉寧知搖落秋江晚却憐海鶴與冥鴻  
孤雲遠

送黃將軍

雄飛不出林鵬舉輕千累男兒所志在四方何用碌  
碌困泥滓吾觀黃君風骨殊數奇不合長次且神鷹  
重翻行林鵬舉交燿非懷下胸丈夫龍變世叵測風

東市黜黑北市讞西市知天卦黃金蟬寶璽平生以



新刻張太岳先生文集卷之三

五言律

應制荷花詩

液池涵聖澤靈卉吐仙葩皎素凝瓊雪輕妍簇絳霞  
蟠桃同介壽萱萼並敷華歲歲臨長景呈祥應帝家

應制題百子圖

襁褓鍾慈愛羣嬉悅聖情眼前看赤子天下念蒼生  
雛鳳翩翩舞祥麟隊隊行百男今有兆太姒在周京  
髫髻誰家子芳林劇戲親玉繁庭際樹珠弄掌中人



引大邑文集卷之三  
少小看頭角嬉遊總性真應知  
皇澤遠麟趾自振

振

應制題畫四首

牧童騎牛吹笛

是處桑麻好田家樂事同耕犍閑白晝牧豎趁春風  
短笛乾坤裏長林雨露中命儔還籍草相與說年豐

牧童持鞭

隴上朝朝牧歸來路不迷飲流非避世扣角豈干齊  
乍轉松蘿畔還過桃李蹊時清無戰伐縱爾任東西

牧童竿懸蛙蟹



釋却沾塗苦閑來弄釣竿黍禾千頃熟烟雨一簑寒  
處處溪流滿山山秋色闌不知田野樂爲向畫圖看  
牧牛按拍歌

驅犢行遊遍遙村復近阿亂山秋色暝高樹晚涼多  
不識官輸苦焉知帝力何太平無一事按拍且高歌  
孝恪皇太后遷祔鼓吹詞一首輓歌十首

鼓吹詞 應天長

赤龍降後登仙早露滿園陵悲宿草啟玄宮揚  
素旒颺乘蕭蕭風嫋嫋葆吹千峰遶帳望慈雲  
縹緲白鶴歸來華表鳥啼山月曉



輓歌

毓聖恩無極遊仙夢不歸載逢玄隧改重念紫宮  
違帳殿松陰合鈴歌薤露晞永陵原上月今夕見

重暉

憶昔推宮範于今戴母慈渚虹方衍慶風木已興  
悲專祀隆周典倍陵備漢儀丹旌遙發處一望一凄  
其

虞琴方罷奏湘瑟久含愁班竹無雙汨蒼松共一杯  
掖庭春寂寂山殿夜悠悠不盡終天思妻風三月

秋



曉日金山道靈輜向北移祇看雙鳳翥遙度九龍池  
日月迴陵谷風雲護羽儀共知明主孝甘露洒瓊  
枝

嗣望膺宸極重闈正寢園身違天下養名極域中  
尊蜃輅迴芳甸星軒復紫垣千秋霜露候冠佩肅陵  
原

自昔親蠶日盆繅幾度陪春風依舊到仙馭不重  
回北隴泉扉啟西郊輩路開綵雲偏有意來去遶  
陵臺

梧野營新兆金山從舊封鏡埋長隱鳳劍化自從龍



暝色浮千嶂濤聲起萬松迴瞻佳氣合蒼翠瑣居庸  
北極恩長戴東朝養未伸月殘長樂夢花發霸陵春  
典禮遵前古哀榮及此辰孝思根聖性竚望幾傷

神

地應占沙勝天開夢日祥一辭丹鳳輦長返白雲鄉  
月落千峰暝烏啼五夜霜尊榮及泉壤舜孝仰重

光

德以璿闈著名從玉簡傳無彊元應地有子正

當天遺佩藏丹壑飛輶入紫烟君蒿霜露夕悵望自

年年



賦得玉河水泮

御澗開凝凍春波遶苑牆碧搖宮柳色紅映曉霞光  
噴浪知魚躍連雲下鷺行漸看新漲湧幾曲碧流長

閣試秋霽

爽氣澄殘暑晴光滿素秋黃知籬菊淨紅見野楓稠  
鴈帶霞光度天連山色浮邊烽昨已熄雲靄望中收  
秋夜感懷寄欽之二首

海月稍稍落簷蛩細細吟芙蓉秋色老鼓角夜堂深  
峽水違長笑江魚滯好音踈庸隨畫省燈下媿華簪  
遲爾天衢步駸駸藻思豪青藜燃夜火彩筆湧秋濤



冀北誇龍種圖南識鳳毛長安春色好不負杏園曹

山月曉仍在

蚤夜趨丹陛嚴城聽曙鷄孤鐘長樂轉片月太行  
低日氣光還照霜華影未迷慈烏驚萬樹歷亂御溝  
隄

返照

落日千山暮寒光入薊城虛堂餘樹色御苑亂鴉聲  
擁衲僧歸晚開軒客望平鄉關杳何處萬里一含情

送范比部恤刑廣右四首

客舍起驪歌雙旌擁玉珂紫貂衝白雪彩鷁渡黃河



遠布虞廷詔深知禹泣多卽看萬里去把袂柰君何  
畫省三年績彤墀五色章君恩覃桂嶺使節指  
蠻方懷古悲蒼野登臺吊越王更須勤疏草解網答  
明光

春色盎金莖春風滿玉京市橋朋酒綠關塞客星明  
慨慷青萍劍行過白帝城懸知思舊侶愁聽鳥嚶嚶  
卽有同心者寧如君與予過談皆意氣投贈自瓊琚  
五夜西曹夢三秋北鴈書梅黃應下峽可得問蓬廬  
元夕

薊門今夕夜皎皎徹寒壚不飲杯中酒其如月色孤



鍾聲來御苑火樹滿長衢相逐行吟者安知夜已徂  
秋夕省直

涼颼何嫋嫋秋入白雲司爲讀騷人賦翻增旅客思  
蟬聲咽高柳暝色下疎籬搖落關山外清笳晚更悲  
雙河寺小憇

雲間開梵宇寂寂枕寒流萬劫空中息諸天象外幽  
地疑玄度宅河似白鷗洲卽此堪乘興風烟况早秋  
送黎封部叅藩廣右二首

尊酒河梁上穠穠夏木陰片帆千里遠一語百年深  
去住悲離合乾坤自古今相思何處切纖月到疎林



於爾開青眼相看器自殊鳳翎  
外出劍氣斗邊孤

謝樹憐雙玉雄文重兩都向來餘古意且得問蒼梧

郊寺送客三首

三旬不出郭衝泥復此過輕風搖砌草遲日照渠荷  
僧飯盤中足禪機物外多分題有新句投醉客顏酡  
郊關頻送客因叩遠公扉下榻藤花落翻經野鶴歸  
諸天開色象層閣入烟霏欲問無生訣那能遂息機  
禪關幽寂甚一到隱心生禮佛爐烟細烹茶鼎火明  
萬緣空裏息半偈靜中清落日催歸騎依依鐘磬聲

雨中過周比部



客抱苦不愜因君一解顏入廉飛白雨起坐見青山  
計日江南發何時漢闕還雙河秋夜月誰與叩禪關  
題隱菴遠寄亭

勝地臨江漢危亭架次寥簷陰飛凍雨窗洞引清飈  
竹影檀欒密山光碧玉搖仙居不可問渺渺隔丹霄

登仲宣樓二首

一樓雄此郡萬里眼全開孤嶂烟中落長江天際來  
看題尋舊跡懷古寄新裁不見操觚者臨風首重回  
百雉枕江烟危樓倚碧天望隨雲共沒心與日俱懸  
柳暗迷通浦沙明辨遠川登高愧能賦空羨昔人賢



送汪遠峰太史省親二首

紫閣朝陳疏青藜夜輟書里應誇結駟歸及薦江魚  
剡曲瞻雲近庭聞愛日舒南陔如可續莫爲賦閑居  
涇水不人渭此心唯見君但令心共許誰復嘆離羣  
別曲聽朝雨歸帆逗海雲握中何所贈雜珮藉蘭薰

咏虎丘圖

野草荒吳殿浮圖出梵天雲霞通海氣樓閣瞰江煙  
林暝涵秋色巖懸想瀑泉未能窮遠跡懷古一凄然

孝烈皇后挽歌二首

厚載侔天德勤勞翊帝功詎知鸞馭杳長使鳳樓空



懿範傳中禁遺言愴聖衷仙遊縹何處瞻戀五雲中  
鴻號瑤圖啟鸞飛寶鏡沉白雲仙路迥玄寢壽宮深  
上食開行殿悲笳度遠岑昭陵空帳望風日晚陰陰  
莊敬太子挽歌

鶴馭凌霄漢龍樓鎖寂寥空悲仙路杳無復寢門朝  
綺季辭金輅浮丘侍玉霄惟餘鳳笙曲猶逐白雲飄  
送張少渠之鄞

客路悲千里離旌指四明風烟連澤國秋雨緩王程  
迢遞雙鳬遠翩翩一鶴輕碧雲搖落候相送若爲情  
寄枝江殿下



憶昔趨陪地烟雲入夢多斷蓬辭故土叢桂隱山阿  
消息經年阻風塵奈客何梁園誰受簡白雪滿關河

初秋四首

玉琯調商律金飈拂絳紗碧雲宮闕晚丹樹禁城遮  
客況看流火邊愁入暮笳無能裁楚賦空自悵年華  
花落昭陽暮寒生御液遲碧空浮霽靄黃葉舞輕颺  
靜愛潘郎賦情深楚客悲涼風正蕭瑟莫唱漢宮詞  
搖落憐鄉思居諸感宦遊萼鱸江國綽砧杵漢宮秋  
步月愁看影瞻雲愛倚樓有懷吟不就惆悵晚風颺  
寒暄殊景物歲月嘆蹉跎況是天涯客其如秋思何



金莖睿露湛碧漢夜涼多獨立蒼茫裏閑愁付短哦  
送楊別駕之瀘

去去西征客蠶叢路幾千江流通白帝劍道倚青天  
解纜驚秋早維舟憶月圓時清官況好不似度瀘年

同李石麓張西吳遊正法寺二首

精舍何崇曠幽林景翳如風生洞戶冷雲度石堂虛  
已愜尋幽勝因之慰索居坐深機事息飛鳥狎人裾  
廣殿肅陰陰禪堂蘿薜深人疑玄度至地卽遠公林  
庭藥澹清影林棲多好音紛紛非所好塵外且娛心  
送趙方泉出按應天二首



縛斧出長安都人擁騎看豺狼當道避鷹隼逼雲搏  
蓋轉三山動霜飛六月寒五陵多俠少應借惠文冠  
金陵佳麗地樓殿鬱嶙峋龍起恢王業驄鳴出使臣  
山川行處勝樽酒別時親去也馳驅日千金慎子身

宿裕州候晴

一雨遍霖潦長途車馬稀霏霏猶合幘羃羃欲侵衣  
官舍鳥聲寂郡城山色圍結軌候明發沈雲殊未歸  
月下懷曹紀山侍御二首

子夜鐘聲徹高秋露氣清海風吹月白流影向人明  
笛怨關山遠寒催砧杵鳴不知烏府客茲夕若爲情



孤月生殘夜盈盈湧玉盤離人不欲寐清景共誰看  
魄轉銀河濕光生草露寒今宵有歸夢應遶碧雲端

迂朱文石使楚二首

起草違丹陛銜綸降紫霄春原嘶去馬山館聽鳴  
鑣卸雪歌中盡江花筆裏飄會因雙鯉便莫遣尺書  
遙

雪裏年華改青門柳又新可堪長作客還對欲行人  
驛路啼鶯合汀洲芳草春數宵有飛夢先爾到江濱  
與李義河給諫約遊衡岳不至奉嘲二首

再任山中信期爲汗漫遊那知鴻鵠羽翻爲稻梁謀



謾解陳徐榻虛同李郭舟雲天愁望汝高駕爲誰留  
大鵬有修翰野雉無遠趾分飛旣異路會合應難俟  
芳洲杜已落江介舟徒艤勗子烟霞心母爲困泥滓

重遊蕭氏園亭二首

不到南塘久鶯聲覺底繁野雲低抱石江氣遠含村  
只愛松筠冷寧閑車馬喧相過已無數不必問前源  
結構憐幽僻雲門網薜蘿祗愁迷徑術何意屢經過  
野食供蔬茗山衣葺芰荷還期卜鄰並時共眄庭柯

送張襄之歸新喻

幽燕倦爲客振袂思故鄉已愴通家恨猶憐別路長



帆逐秋雲迥行塞野杜香鼎山樓隱處還是謝公堂

送石椽

憐汝青雲器蕭曹可頡頏簿書悲骭髀公府失賢良  
未假風塵會空瞻日月光誰當垂剪拂萬里必騰驤

半山亭

亭去祝融嶽廟各十五里居山之半

碧落平分竟危亭架沈寥未窮天路盡已覺世塵遙  
雲海翻銀浪風篴聽玉簫九關知不遠霞起祝融標  
白雲處處滿行子暮何棲不辨幽林色惟聞歸鳥啼  
虛巖映靈籟人語隔前溪夜宿莊嚴境明珠照客迷  
方廣寺宴坐次念菴先生韻并致仰懷



幽隱何所託長與薜蘿期聽法過祇苑皈心禮大悲  
壑晴雲起處松暝鶴歸時此意人先覺吾來已較遲  
訪大方禪僧次念菴先生韻

烟雨曉微微山堂未啟扉花壇分石髓苔壁挂雲衣  
揮塵頻聞難停輟已忘歸曹溪一宿後真覺夙心非  
送毛青城謫滇南

客有相如倦心耽楊子玄浮名看自薄謫宦轉悠然  
別袂分春色題詩隔暮烟從來富詞翰到日百蠻傳  
書羅醫師鳳岡卷

攬德呈嘉瑞迴翔憶故居碧梧秋雨老修竹晚烟疎



藥煮琅玕實書銜金簡餘九苞有靈胤還見羽儀舒  
寄題秀溪

清溪開潏潏飛瀑瀉洪流影向銀河落光涵玉鏡秋  
忘機魚鳥狎卷幔水天浮爲問沉冥客仙槎幾度遊  
別草堂作

勞勞成徂兩惘惘背雲林自被移文誚誰知捧檄心  
庭篁虛宿靄山鳥送餘音莫遽荒三經金門肯陸沉  
同望之子文人日立春喜雪二首

暖暖宮雲綴飛飛苑雪來春隨銀箭曉花傍玉樓開  
西液流澌滿東方瑞彩迴此時瞻朔氣斥候淨氛埃



作是春風早霏霏滿帝城  
莫呈七葉瑞瓊散六花英  
墀闕朝光迥階庭夜色明  
占豐聊共慰和郢媿同聲  
成趣園夜讌限韻三首

名園開綺燕藝苑聚文星  
共許心期結相看眼倍青  
吟爲招鳳曲書作換鶯經  
妙論超非相精思出有形  
夜深仙籟發疑是躡天庭

秋色冷疎竹秋空點數星  
水光浮積素山色漾重青  
泛渚驚初到尋源喜再經  
鶴馴階下影魚失鏡中形  
畫舸輕搖處人稱小洞庭

帝子神仙侶蟠胸燦斗星  
奔騰宮裏驥俊逸海東青



賦掩曹王作精研莊叟經三田舍內景五岳識真形  
自媿風塵客勞勞隔逕庭

送田青丘之南雄兼寄拒山先生二首

銅柱天南郡懷君萬里行海波浮地濶嶺樹入雲橫  
風壤甌閩近冠裳錦里榮還家見康樂春草句還成  
問訊田夫子風塵阻見期斗山終自仰樗散媿相知  
寂寞玄猶白蹉跎鬢易絲徒藏匣裏劍未有報恩時

臨湖曲六首

結廬湖水西坐望湖水東東西兩相望疑是鏡中光



浩渺鏡湖波香風出芰荷月明山下靜時聽採蓮歌

解二

月出波光碧波澄月影寒輕舟棹兩槳乘月弄潺湲

解三

鼓枻下椒潭驚舠馳桂輿遙聞簫鼓聲鳴鳴隔前浦

解四

鱗衝錦浪翻鷺點蒼烟紗人在水烟中忘機狎魚鳥

解五

徜徉湖水泮湖水卽滄浪詎似鷗夷子扁舟愛渺茫

解六



送徐太學國式歸省

三禮知名久遊雍業更精君能傳戴聖子獨媿陽城  
魚膾思親饌鶯聲亂客情漢儀如可就先聘魯諸生

後九月九日賞菊

閣試

兩度逢陽九秋深菊未闌天應留物色花不畏風寒  
撲棐香猶細當軒影尚繁尊前愛餘景爲爾更凭欄  
馬上見西山

帝里風煙豁西山送翠來芙蓉天外削圖畫望中開  
疊嶂環都邑浮光接露臺馬前空仰止佳氣鬱崔巍  
出左掖



獻罷甘泉賦還過彩鳳樓逼霄仙掌濕拂袖御香浮  
日戀彤墀影烟涵玉澗秋回看禁城裡宮殿五雲顛

恭紀

聖德中興十事詩

問寢承歡

新刻張太岳先生文集卷之三終



馬上見西山

日戀汎汎馭馱王闕殊回香禁地野宮煥正雲顛  
霜霜甘泉頽影馱深鳳對馱霄山掌點點曲嶙香翠



新刻張太嶽先生詩集卷之四

七言律

恭紀 聖德中興十事詩

問寢承歡

長樂春深愛日遲  
慈闈燕喜及芳時  
堯門晨暮三朝禮  
漢殿春秋萬歲卮  
日曜龍章成彩服  
天開鳳籞作瑤池  
已將北斗傾仙醕  
還指南山祝壽禧

宵衣勤政

雨階庭燎簇旌旗  
曙色微微露未晞  
世泰何曾忘儆戒  
年豐猶自念寒饑  
乍聽漏滴疑搖珮  
纔報雞鳴已



進衣君道克終當致愼老臣特此贊惟幾

緝熙聖學

矬齡已賦聖人資典學尤勤恐後時努力寸陰常爲  
惜談經終日竟忘疲間觀翰墨情偏愜坐對縹緗手  
自披二帝三王心法在文華高揭卽著龜

隆禮師臣

朝朝講幄侍宸旒忝竊賓師禮更優瞽語每勞傾  
耳聽腐儒何有格心猷風雲一代真奇會魚水千年  
豈易投淺薄無能稱獻納祇將丹悃答皇床

面獎廉能



紛紛計吏集金門勞遣親煩萬乘尊共望龍顏瞻日  
表近承天語挹春溫虞詢方岳遺風遠漢獎循良古  
道存知己尚然酬一諾諸臣何以報殊恩

詔蠲逋負

俄傳綸綍下丹青積負如山頃刻消野老扶筇聽漢  
詔衢垠擊壤播唐謠謾愁杼柚誅求竭已覺閭閻生  
意饒爲問 皇仁何所似旱時甘雨潤枯苗

澍霖應禱

齋居端默自沉沉精意俄然格帝心萬里春隨溫詔  
下崇朝澤並聖恩深皇穹響答同桴鼓農扈歡歌勝



張大司空集 卷之四  
雨金自是聖朝無闕事不須露禱向桑林

植桑知艱

玉食朝聞撤大官憫農還見軫盤餐三推未向天田  
舉百穀先從御苑看宇縣迎和逢歲稔閭閻鼓腹洽  
民歡南風不用歌滕史冲主偏知稼穡艱

九塞稱臣

幕南秋色靜王庭月滿邊關夜不扃北地胡兒能漢  
語西陲宛馬盡龍形屯田督護休乘障破虜將軍早  
勒銘千羽兩階文德洽九重端拱萬方寧

百蠻歸款



纔聞西馬來天極又見文犀出海濱  
越雋不煩通蜀使呼韓已作款  
關臣威橫朔漢烽煙息澤暨炎荒雨  
露均凱奏胡歌襍蠻語紛紛盡唱太平春

恭祝 萬壽無疆二首

太平天子正垂裳鳳紀重開赤室祥  
萬歲歌聲彌海宇千門佳氣靄明光  
西池雲駕臨仙仗南極星躔映壽觴  
欲頌巍巍那可擬神堯十六御陶唐

拜陳金鏡慶堯年况屬清秋灝景鮮  
龍袞光中香篆裊鳳韶聲裏玉卮傳  
九霄瑞露疑仙掌三殿祥雲捧御筵  
淺薄幸霑恩似海謳歌惟祝壽齊天



恭頌 聖德詩二首

鳳曆萬年歸

聖主

鴻圖十代授

神孫求言已

見開堯室圖治還能闢舜門獨運英謨開日月共歡  
泰道叶乾坤愚臣衮職慚何補擬續卷阿荅 至尊  
太平天子御明堂繡袞端垂化瑟張五嶺畊桑休戰  
士九邊鉦鼓納降王鳳麟並兆人文朗龍虎重開  
帝業昌幸際無虞思獻納願將競業對時康

園丘陪祀有述

蒼葢朱甍倚碧空郊壇高峙

帝城東

宸旒肅穆

千官合鹵簿暉煌萬國同上界清都依紫漢泰階黃



幄隱晴虹相如莫獻青鸞賦不是祈靈太乙宮

恭侍 講讀紀事

日日趨承向紫清石渠天祿未爲榮敷陳固以惟仁  
義弼直還因際 聖明愛聽瞽言頻促席親勞 御  
手爲調羹微塵敢謂禪山岳祇竭葵衷一念誠

春日侍講

御爐香裊袞衣垂虎觀橫經侍漢儀風度雲編香細  
細日臨春仗晝遲遲懸情雙白身難乞報國孤丹  
主自知歸向綸扉清漏午還將簪筆紀芳規

皇上祝 聖母



寶曆躬膺理萬方流虹初發慶源祥女中頌德稱堯  
舜膝下承歡有帝王運撫日昇人共泰慶逢陽至景  
初長慈闈罔極恩何報遙指南山祝壽康

遼左大捷

霜戈一指靖遼陽露布星馳入未央天子垂衣多廟  
算將軍汗馬自鷹揚絲綸獎借承殊眷金紫輝煌出  
尚方帷幄敢言能決勝獨餘忠藎佐時康

慶成侍宴

大庭醺宴慶郊成魚藻歌騰見鎬京日照千花明袞  
繡風和萬籟鳴韶音宸情喜覺春生面天語頻傳



酒滿觥交泰正逢千載會謗才何以佐昇平

文華殿進講大寶箴應制二首

天位艱難保泰年昔賢獻納有遺編圖陳虎觀開紉  
帖喜動龍顏促講筵問道軒宮風自遠談虛漢殿  
席空前恭逢帝代師臣禮彤管長令奕世傳  
彤幃高敞翠華臨納誨先陳大寶箴造膝從容承顧  
問當辰延佇見虛襟酒池瓊室傷心麗塞續垂旒鑒  
古深天藻慙懃清漏午愧無明保作商霖

上林春曉

潋灩初添太液波春光常在鳳城阿新鶯漸與仙韶



合細草偏宜御輦過旌蓋紛紛隨日轉杏花灼灼倚  
雲多太平樂事應無限願以時成和舜歌

題荷花應制

宮沼澄河通太液天葩的歷炫新粧移來玉井根原  
異開向瑤池色倍光細細香風隨鳳輦霏霏輕露濕  
仙裳碧筒長喜傾芳醞願祝慈齡萬禎康

玄兔

曾向瑤臺伴月輪今來文囿瑞昌辰靈丸搗就千年  
藥鎖屑鍾成百煉身黝質元因鍾水德緇衣豈是染  
京塵還將老子玄玄義爲祝上君王萬萬春



黃鸚鵡

曾隨大士翔南海今奉 慈顏集上方色借銅龍增  
氣象影搖金鳳共輝光含靈省識三株樹解語能稱  
萬歲觴不信黃中符地德爲看仙鳥應休祥

五色鸚鵡

帝遣靈禽獻壽來聲聲頻勸萬年杯彩衿色奪宮花  
麗綺翼遙凝瑞錦裁照影池娥猶自讓調音梁燕定  
應猜徒聞王母三清使馴擾何如在 帝臺

玉兔

冰輪高挂碧雲端玉質身依玉宇寒萬里山河天外



過千秋宮殿鏡中看吸殘桂露花長在搗就瓊霜夜  
未闌已伴嫦娥遊帝闕更隨王母奉仙丹

題畫猫應制

內苑馴來有歲年雙雙彩色最堪憐間行花驪雕闌  
外小踞風生繡榻前窮穴已知狐鼠盡芳春惟見蝶  
蜂翩微軀何幸承恩眄率舞應居百獸先

聖壽朝賀

高秋馳道入輕寒珮玉珊珊曉漏殘蓬海神丹青鳥  
信栢梁仙掌露華團萬年景運過周歷三殿威儀  
擁漢官拜首嵩呼天仗合鑾輿遙在紫雲端



送羅比部守寧國

鳴蟬落木玉關秋  
愁見河梁一葉舟  
雲物共憐燕市客  
風流遙憶謝公樓  
鯨波橫海曾多事  
虎竹分廷借遠籌  
二十二峰明月滿  
思君當在最高頭

壬戌七月望夕初幼嘉陳子嘉二年兄過訪次韻

壬戌秋光此再遊  
紛紛涼月玉觥浮  
關中寒杵星河動  
塞外清笳几席秋  
二妙相過憐北極  
雙魚寧惜滯南洲  
狂歌嫋嫋天風發  
未論當年赤壁舟

中秋前二夜與諸君共集雙河寺



野殿虛無生紫煙  
薜蘿古栢相新鮮  
佳辰已是中秋  
近萬里清光自遠天  
遲客不來思玉軫

翁生善琴飛期而不至

觴得句信瑤篇  
拂衣聯臂雙河寂  
閨曲衢歌聽杳然

賦得秋色老梧桐

涼露燕山秋自偏  
高梧十尋殊可憐  
蕭蕭落葉當寒  
井瑟瑟悲風起  
暮煙疑有鳳皇鳴  
碧幹不堪哀怨付  
清絃皎月夜窗閑  
對汝外人誰識子雲玄

送初幼嘉年兄還郢三首

燕市重來二月初  
翩翩意氣曳長裾  
金門未售甘泉  
賦玄室何人問子虛  
太乙夜燃東壁火  
天池時化北



冥魚乾坤歲歲浮春色環珮相將侍禁廬

黃鶴樓中憶舊行白蘋江上此離觴天邊日氣殘鳩鵲  
帝里星華照鸛鷀燕士從來先郭隗漢庭那得  
老馮唐思君何處堪情切草色青青滿建章

秋深鴻鴈落汀洲嘹唳西風動客愁月下綠尊同郢  
曲天涯青眼對吳鉤蕭關笳鼓驚寒燒澤國芙蓉念  
敝裘愛爾明珠羅萬斛逢人莫向暗中投

秋日集曾工部宅得天字

暝色城隅殊可憐西風搖落轉淒然三年萸菊逢燕  
市七澤椒蘭憶楚天海上素秋看碣石尊前白雪自



瑤篇邀歡最愛楊雄宅此日相將更問玄

送翁雲松琴士還浙

幽人結屋東華頭鬱鬱松陰四壁秋一點浮雲向天外  
片帆風影挂江流廣陵新調驚玄鶴渭水長竿起  
白鷗歸去不堪千里道山陰夜雪滿孤舟

韻江濱梅得陽字

江岸紛紛留野雪波光歷歷帶殘陽寒枝一綻已春  
色輕萼數點亦幽香行人欲折情可寄辭客相看思  
欲狂賴與乾坤壯孤寂獨隨山月映茆堂

塞下曲



九月西風塞草殘胡沙黯黯點征鞍一聲羌笛吹關  
柳萬卒雕戈擁賀蘭都護長纓勤廟略單于遠道伏  
長安漠南坐覺烽煙靖天漢嫖姚可易看

送王邑博之定海

高天寒色逐金莖書劍翩翩此獨行朋酒不堪燕市  
別客槎因與越潮輕鄭虔自屬傳經望楊子誰憐獻  
賦情到日卽看池藻綠春風先被魯諸生

江中對月得郎字

秋夕蕭森泛野航菰蒲遠棹動清涼萬山月色侵虛  
幌十里江光入巨觴影入魚龍看歷歷露團萑葦見



張大司空集 卷之四  
灤灤好懷欲向騷人遣太白那能起夜郎

范北部魯工部洪山人夜過得龍字

薊門寒日落千峰莽莽流雲翠欲重海內文章幾楊  
馬天涯笑語自人龍石爐對集憑杯酒城析齊鳴禩  
禁鍾時事不堪愁裏論九關何計息煙烽

王明府之吉水席上致別

因君倍憶楚江潯江氣蕭森秋色深黃菊紫萸堪在  
把雙魚孤鴈自驚心明妃村樹已空寂王燦樓臺還  
古今斗酒相看不成醉西風愁聽搗寒砧

懷曾水部



郭外衝泥野雪侵別君之後思逾深登臨不分題橋  
興咫尺何孤入社心寒榻一春應鹵莽芳尊幾日復  
招尋匣琴莫向雲岑鼓怪聽山中有鳳吟

省中對雪再用前韻

客裘二月尚寒侵遠色驚看雪霰深省曙珮環消簿  
領關河鴈鶩繫愁心誰家羌笛那堪聽何處梅花不  
可尋入夜抽簪星漢動琅琅疑是海龍吟

省中春望次吳侍御房山喜聞倭退寄郝侍御  
韻

長安西望浮晴色片片春雲護遠峰遼海烽煙收羽



傲漢家宮闕隱歌鍾鳥啼欲翹天風度條變猶憐夜  
雪封江上早梅紛可折江南驛使未相逢

再次吳侍御別陳侍御韻

蒼珮同趨玉筍斑三年裘馬寄燕關厭看春草新官  
舍賴有瑤華破客顏碣石孤峰雲外出蓬萊雙鶴斗  
邊還相期共拾天

送周比部慮鳳南便歸省覲二首

珂珮相從侍玉墀分曹猶寄白雲司尊前清笑看  
長鉞月下狂歌岸接羅別浦菰蒲涼氣早遠村鴻鴈  
客心知晉陵吳苑堪乘興料爾登臨起壯思



庭闈喜氣覺全紓使節翩翩指舊廬綠鬢錦袍還意  
氣白魚青筍自庭除晚風吹浪江南棹秋水懷人薊  
北書欲與文園拾瑤草相期何日返征車

左闕校閱除書

微風曉度禁城西溝水芙蓉拂玉隄浴鷺衝波還泛  
泛鳴蟬泣露故淒淒爐煙直射仙人掌寶錄新開御  
墨題序進忝隨郎吏後自慚通籍在金閨

送梁鳴泉給諫用封晉譚

已欣勝覽馳千里况捧綸恩出五雲唐叔圭桐初啓  
晉漢皇簫鼓憶橫汾金羈路指黃河近玉佩香從畫



省分遙想諸藩爭識面中朝汲直向來聞

病懷

鰲禁承  
恩憶往年  
西清幾聽漏  
聲傳青旂簇  
伏園  
仙陛黃表開  
函奉御筵沆  
瀣宵凝雙掌  
露燎光晴映  
九霞天滄江  
一臥彌年歲  
紫極空瞻象  
緯懸

三

便

北書卷之六

翠白魚青菰白與斜風和氣正南軒冰剝入隰

或聞喜床覺全孫刺箭隔計書盡絲囊餘所選意



新刻張太岳先生文集卷之五

七言律

吳州圖爲沈封君題

颺颺復見沈休文棲隱芳洲遠世氛  
白社相將鴻鵠侶青尊獨與鷺鷥羣  
石門天淨邀新月瑤瑟秋深鼓暮雲  
華省更看瓊樹好黃麻已向漢庭分

壽王觀吾封君

襄陽自昔多耆舊龐德千年復見君  
綠鬢投簪憐豹隱青山濁酒狎鷗羣  
極星入夜天中爛樨實驚秋海上  
分才子獨畱金馬在高堂應望楚墟雲



夜過吳侍御得來字

客裏那能數舉杯  
楚山燕岫各徘徊  
踈籬兩見黃花發  
絕塞重驚白鴈來  
霜落金莖楓葉晚  
風生繡豸角聲哀  
高名季子慚同調  
簪筆琅琅落上台

中秋前再過吳侍御得陽字

霜空征鴈送斜陽  
涼月紛紛滿建章  
影落明河搖彩筆  
光浮太液照霓裳  
梧桐驚見燕山老  
橘柚因懷楚澤黃  
望後清光還自倍  
天門那惜更飛觴

味秘草堂卷爲貞菴王孫賦

別業初開小苑東  
翠微佳氣鬱葱葱  
瑤章驚錫蓬萊



闕羽節高懸太乙宮採藥但教雲作侶應門常使鶴  
爲童獨憐塵世遙相隔惟聽瓊簫度碧空

送涂司理之叙州

爾夢刀州初拜官風塵須借惠文冠十年離別交情  
在千里馳驅蜀道難飛舸乍移紅樹晚懸旌直指翠  
屏寒輜軒更暇探幽興爲訪君平舊肆看

聞警

初聞胡騎近神州殺氣遙傳薊北秋間道絕須嚴斥  
堠清時那忍見氊裘臨戎虛負三關險推轂誰當萬  
里侯抱火寢薪非一日病夫空切杞人憂



月夜登城

一葉已落人間秋  
夜澄江空烟霧浮  
月光入水影明滅  
霜氣薄人風蕭颼  
沙鳥欲宿寒未穩  
城烏驚棲啼不休  
酒醕對客發幽興  
清嘯劃然滿滄洲

送方金湖之寧津

車馬蕭蕭過上蘭  
都亭貰酒強爲歡  
已知天地共行客  
不爲別離愁路難  
汲黯積薪緣宦拙  
長公直道薄微官  
誰憐十載河陽令  
還向風塵拂舊冠

遊南海子

芳郊秘苑五雲中  
猶識先皇御宿宮  
碧樹依微含



雨露朱甍窈窕鬱煙虹空山想見朱旂繞闕道虛疑  
玉輦通此日從臣俱寂寞上林誰復嘆才雄

慰劉生臥病苦吟

瘦臞何事日長吟却以齋居思轉深櫪驥不忘千里  
志病鴻終有赤霄心軒車入市誰相訊容鬢經秋恐  
不禁肯與畱侯同辟穀碧壇瑤草共幽尋

李石麓晉翰學入直撰文遙賀

魚珮初懸入禁闈永銜新寵奉恩輝沉香花發仙  
人藻雲錦裁成帝女機直禁曉瞻溫樹近退朝宵捧  
御蓮歸上林有鳳棲梧竹却放冥鴻海外飛



元日望闕

北闕朝元憶往年趨承長在日華邊青陽御蹕乘  
春轉黃道諸星傍斗旋鎬宴竝霑歌湛露虞庭率舞  
聽鈞天江湖此日空愁病獨望宸居思渺然

元日感懷

青鏡流年惜暗移江湖潦倒負心期被嘲楊子玄猶  
白未老安仁鬢已絲安仁三十有二始見二毛直北  
烟雲占斗氣隔江梅柳媚春姿閒愁底事淹芳序且  
盡尊前柏葉卮

和貞一王孫八嶺山韻



千騎霓旌控紫庭，曙煙晴抱日華明。  
山蟠王氣藏真宅，草綠春心愴孝情。  
笙鳳度雲迴仗影，洞龍銜雨聽松聲。  
仙城杳靄何因見，悵望青霄聳翠屏。

寄胡劔西太史二首

文園臥病歲華移，又見飛花楚水湄。  
向煖愁看江燕舞，懷人心許塞鴻知。  
劔懸牛斗離當合，書隔雲霄未可期。  
遠夢關山那易到，祇看梁月慰相思。

橘性從來木易移，鷗情長愛水雲湄。  
投膠約在終相憶，附驥才慳却自知。  
北極星辰瞻瑞彩，東山蘿薜愜幽期。  
喚愁江草年年綠，欲折蘼蕪寄所思。



引太和文集 卷之五  
留別新鄉方大尹

迢遞雲山十日程  
旅懷眞爲故人傾  
夜燒紅燭催春酒  
曉借鳴琴寫別情  
官舍柳青縈去旆  
河陽花滿送啼鶯  
天涯離合堪惆悵  
愁聽行歌唱渭城

壽馬年兄母八十

南歸已遂榮親志  
春酒初傳獻壽杯  
駟馬車從天外轉  
六鼇仙自海中來  
光移玉樹霓旌動  
春觸庭花舞袖迴  
況是茂陵詞賦客  
可無高詠續南陔

送譚少石之湘鄉

別思迢迢不可任  
湘江湘浦碧雲深  
春湖水泛桃花



色沙坼烟含苦竹陰鼓瑟幾聽江上曲登樓一寄日  
邊心青霄遲爾雙鳬翼吊古休爲楚客音

和荅龍湖閣老舟中見示

風煙悵望三秋迴奎壁遙連八座明海內幾年公輔  
望士林今日斗山情天書珍重瑤華贈秀句花從彩  
筆生樗散獨慚倍植舊謾同桃李向春榮

雪中招友

東風吹雪迴生姿小徑先分玉樹枝陰合野雲愁日  
暮凍含宮柳訝春遲多情未減山陰興寂寞能忘北  
郭思已辨香醪供晚醉莫辭泥濘負心期



九日宴汪年兄宅得清字

風物淒淒秋滿城  
况逢佳節不勝情  
雲明遠塞翻鴻影  
霜入疎籬見菊英  
海內弟兄歡促席  
天涯踪跡自飄萍  
未嗟萬里長爲客  
坐對黃尊笑語清

贈貞菴王孫二首

緱山帝子本胎仙  
曾種華池玉井蓮  
江上初聞小有洞  
年來不住大羅天  
雲緘寶籙傳丹闕  
鶴引金輿駕彩煙  
白晝果能生羽翼  
淮南何羨枕中編

龍車虎駕拂煙開  
來往青霄日幾迴  
曾向麻姑問滄海  
每隨松子駐蓬萊  
玉笙吹月聞天樂  
珠樹畱雲遠



世埃我病欲求鴻寶訣自知塵骨少仙才

送楊生南歸

清時不獻太平書爲復還從江上居芳草暗隨鄉夢  
合孤雲爭似客情踈南山霧雨文初變溟海扶搖翮  
未舒知子少年思養晦歸來不是憶鱸魚

送呂都諫叅知秦中

百二山河何壯哉旬宣使節自天來不緣重地須人  
望肯借中郎出帝臺騎驛秋辭燕樹渺省薇晴傍召  
棠開春明暫隔休惆悵卿月遙占賜履回

送林儀部視楚學



少年蘭省藉時名南國儒臺簡命榮敷教祇遵虞五  
典傳經曾擬漢諸生鶴飛寥泚樓還古龍起湘江水  
尚清扈蹕勝遊今十載因君重憶楚山程

送陳見吾考績南還因寄親友二首

把臂都門問所如煙花南望引征輿章華臺畔啼鶯  
後杜若洲前見燕初候吏重瞻仙令舄路人爭羨馬  
卿車張衡已著思玄賦歸夢從君繞敝廬

幾度思歸病未瘳那堪送子向南州帝城花滿離  
亭曙江國春殘杜宇愁旅客獨傷魂渺渺征人長憶  
路悠悠先憑一寄南中友相見猶疑在暮秋



觀音巖次羅念菴韻

上方重閣晚依依飛錫何年此息機行盡碧霄平有  
路坐看紅樹不知歸法身清淨山長在靈境虛無塵  
自稀欲借一枝栖野鶴深公應笑買山非

贈沈山人次李義河韻

蘇耽控鶴歸來日李泌藏書不仕年滄海獨憐龍劍  
隱碧霄空見客星懸此時結侶煙霞外他日懷人紫  
翠顛鼓棹湘江成遠別萬峰回首一凄然

宿南臺寺

一枕孤峰宿暝煙不知身在翠微顛寒生鐘磬宵初



徹起結跏趺月正圓塵夢幻隨諸相滅覺心光照一  
燈燃明朝更覓朱陵路踏遍紫雲猶未旋

出方廣寺

偶來何見去何聞耳畔清泉眼畔雲山色有情能戀  
客竹間將別却憐君瘦筇又逐孤鴻遠浪跡還如落  
葉分塵土無心畱姓字碧紗休護壁間文

潛江憫勞

水齧平隄沙岼迴野田空見荻花開江濤挾雨秋仍  
壯燕鴈衝寒暮獨來歲晚風霜歆客枕夜深燈火傷  
漁臺悲時亦有江南賦愁聽荒城鼓角哀



應城訪李義河給諫宿古城寺

茂陵同病復何如，強半秋來未有書。  
豈爲浮榮愁墮甌，須知世路可翻車。  
青霄結綬誰相引，白首論交獨共予。  
世事繽紛那足問，隔江東畔有鱸魚。

吳大尹道南見訪古城寺揚溫泉李義河張陽  
蘇李方城夜集

山寺移尊接几筵，薜門蘿徑隱蒼烟。  
江涵鴈影秋將盡，月散林光夜不眠。  
傾蓋喜逢東魯彥，入疆初聽武城絃。  
虛慚淺薄參同志，記取風流起後賢。

泊漢江望黃鶴樓



升平集 卷之五  
楓霜蘆橘淨江煙錦石遊鱗清可憐賈客帆檣雲外  
見仙人樓閣鏡中懸九秋槎影橫清漢一笛梅花落  
遠天無限滄洲漁父意夜深高咏獨鳴舷

### 山居

林深車馬不聞喧寒雨瀟瀟獨掩門秋草欲迷元亮  
徑清溪長遶仲長園蒼松偃仰雲團蓋白鳥翻飛雪  
滿村莫謾逢人語幽勝恐驚樵客問桃源

### 正月初四日南郊禮成

午夜祥雲繞太微聖明開運六龍飛簫韶享帝聲  
容盛玉帛來王曆數歸寶幄天光臨負辰金輿春色



映垂衣微臣快覩唐虞際三祝堯年仰曙輝

春日禁中卽事

馳道春歸入建章九重花卉動年芳浮雲細細生城闕  
晴雪霏霏濕苑牆內殿徐停紅羽仗御屏高  
閉紫金床日長退食天門裡慚媿中朝鵷鷺行

送楊孝廉下第歸

曾於鑑院窺奇藻直擬長江倒峽來白壁何人收楚璞  
黃金空自築燕臺因歌蜀道愁征騎還向龍門歎  
暴鯁狗監若論文似者漢家終憶子雲才

病懷



白雲黃鶴總悠然底事風塵老歲年  
自信任公滄海客敢希方朔漢庭仙  
離居可奈淹三月尺疏何因達九天  
獨坐書空不成寐荒蕪虛負北山田

度河

十年此地幾經過未了塵緣奈客何  
官柳依依懸雨細客帆渺渺出煙多  
無端世路催行劒終古浮榮感逝波  
潦倒平生江海志扁舟今日媿漁蓑

七夕詠戲呈曹紀山館丈

河漢佳期已曠年人間天上兩相憐  
雙鸞暫照今宵影一水還訂隔歲緣  
涼入畫屏秋縹縹光搖銀燭夜



娟娟誰知更有嫦娥冷獨閉瓊樓只自眠

西內卽事二首

紛紛羽蓋拂雲來冉冉霓旌下帝臺朝退玉宸香滿  
袖液分仙掌露盈杯靈符關鶴來三島寶劒飛龍運  
五雷夜見靈光照城闕不知河上放燈迴

海上羣仙一一來裊雲紆霧擁香臺下聽天籟和瓊  
管更取霞漿泛玉杯祝聖萬年同海岳驅邪三界  
走車轉雷青霄來往須臾事爲問仙車日幾回

對菊

客愁何意玩芳菲祗愛幽香冷浸衣物色暮看秋後



景寵光晴借苑邊暉餐聞楚調心還折採向陶籬願  
已違今夜一枝聊對汝竝憐孤影月中微

鍾山堂

卜築蘭堂歲月深地幽偏稱結廬心看山不碍翠微  
色近市渾無車馬音直以舊畚開駿業還將篇籍代  
簾金謝家庭樹依然在爲報新枝已滿林

送袁少叅之廣東

粉署淒遲已十秋更看旌節向南州未論岐路關離  
思且喜山川得勝遊海近十洲波不湧花明五嶺瘴  
全收甸宣萬里經行處想見棠陰滿道稠



新刻張太岳先生文集卷之六

五言排律

扈從齋壇賜觀齋宮溫室紀恩

漢時卿雲麗同郊旭景妍鈞陳依太乙仙蹕駐甘泉  
清吹喧馳道齋宮謁上玄紫壇香霧靄蒼壁瑞光圓  
祀典祈宮肅宸綸中使傳九盤分玉饌八寶綴金錢  
身似游天上心常在日邊所祈靈貺遠長共聖恩延  
便殿奏事紀恩

造膝金華秘承顏玉陛春便宜條漢事勤已動虞  
詢曲跼明臣禮提攜荷聖仁寵褒華袞重香引御袍



新下濟天光近傳呼晝漏頻恩慈同地厚偃僂欲墻  
循臣忝台衡久偏承魚水親鹽梅懸聖藻蒲柳寄  
微身主聖惟將美才踈媿演綸所希常道泰千載慶  
茲辰

賜御膳紀恩

遲日明青瑣薰風捲絳綃金盤從內捧玉食荷親調  
入碗冰同瑩流匙雪未消加餐天語重借筋主恩饒  
多幸陪經幄無能酌斗杓輕身如沆瀣藉手媿瓊瑤  
愜樂追魚藻賡歌叶鳳韶願言均聖澤耕鑿戴唐堯  
擬咏四時山水花木翎毛畫四首



春

紫陌晴雲靄青郊淑景新穠花爭咲日好鳥亂鳴春  
卷幔湖光入鋪茵草色勻芳菲分帝苑發育總皇仁  
山鎖秦人里烟迷樵客津隔林催布穀聖主正歌豳

夏

萬頃煙江濶千章灌木榮盤渦深浴鷺密葉暗藏鶯  
原野雲爲嶂河洲柳作營遊鱗牽荇亂舞燕掠花輕  
雨氣消煩暑山光送晚晴皇風披宇內不借五絃鳴

秋

清商臨素節江上起層陰蘆荻芳洲靜芙蓉曲徑深



秋聲動幽竹涼意入疎林過鴈黃雲影殘蟬碧樹音  
露華全綴玉菊蕊半舒金爽氣長空淨披圖鬯睿襟

冬

新年勞聖慮瑞雪積瑤臺野竹淩風勁山花破臘開  
草枯霜隼奮林暗暮鴉來汝國人方臥衡陽鴈未回  
暖催燕谷黍寒盡隴頭梅曾見青龍轉春風遍九垓

題孫公遺愛祠

山拔天門峻湖連漢水瀾惠人不可見此地有遺祠  
邑是滄浪匪民愁沮洳危自公驅五馬嚙命總嘉師  
杼柚憂忘屋幽筑詢寡嫠野荒開沃壤逋豁起瘡痍



政以催科拙才緣盤錯知潛沲疏惠澤巖谷被恩私  
績奏吳公最人懷杜母慈來沾甘雨潤去望德星移  
廟貌存遺像豐碑表去思有靈歆俎豆無地迓旌旗  
萊竹舍新籜甘棠老故枝高風長邈矣懷古獨嗟其  
駿發光逾遠鴻庥歛未衰生申鍾岳秀夢說起巖居  
廊廟瞻風雅雲霄振羽儀衣冠誇奕世聲藉冠當時  
運偶龍興日恩須鳳詔馳榮名兼世美千載仰芳規

上林春曉

禁苑春光曉皇州霽景浮淡煙籠細草晴旭抱重樓  
鳥影林梢亂鶯聲花外留紅殷桃雨暗綠散柳風柔



張太岳文集 卷之六  
拂曙寒猶峭侵衣露欲流葱葱佳氣裏春在五雲頭  
秦陵春祀

孝帝藏靈地千秋寢殿崇當年聞鑄鼎此月想遺弓  
聖澤流寰宇神真妥閼宮山河春寂寂松柏鬱葱葱  
玉盃晨光合金燈夕照空幸來陪初祀瞻恋五雲中

壽嚴少師三十韻

雲紀中興聖星精命世賢千秋真遇主八柱已承天  
嶽降生申日嚴居夢說年作霖龍蟄起華國鳳儀騫  
握斗調元化持衡佐上玄聲名懸日月劔履通星纏  
補袞功無匹垂衣任獨專風雲神自合魚水契無前



已屬經綸手兼司風雅權春華霏藻翰宮錦麗瑤編  
潤色皇猷遠鋪張帝業鮮語緘溫樹密宴和栢梁篇  
履盛心逾小承恩貌益虔神功歸寂若晚節更怡然  
密勿孤忠勵儀刑百辟先還將調燮理却養壽祺綿  
德邵身彌健形和氣自延三朝見元老七袞儼真僊  
不覩松喬壽焉知柱石堅條風初變律淑景正催妍  
瑞靄浮南極長庚耀薊暎沙明堤騎擁雲濕羽衣翩  
垂柳搖金屈飛花簇玳筵壽增知幾萬桃實又三千  
鶴曲傳瑤島鵬霄駐彩旃雲仍看接武春色上華顛  
曆紀莊椿固功存汗竹宣畢公年未艾裴相望踰懸



福迓天休永名因帝眷全所希垂不朽勲業在淩烟  
梅中舍有作邀余賦

淨舍梅花發娟娟挺玉姿猶憐殘雪在故傍煖雲垂  
地僻塵逾遠簾疎影並移馨香祇自惜攀折欲誰貽  
客有廣陵興邀題東閣詩春愁依墮盡鄉思繞南枝  
獨管那能賦尋芳似有期孤英聊足對莫向笛中吹  
朱漢水墓

筭別余將隱同吟漁父篇今來君已歿獨見茂陵阡  
劍解嗟何及膏焚祇自憐清秋薤露湛霄漢客星懸  
去已今誰在交情涕泗漣江迴流恨水山晚結秋烟



大塊同浮幻風塵登息肩畏途今若此吾道轉淒然  
役役勞生夢紛紛世網牽寧知瞑遊者不愛此長眠

栢亭

手植凌霄幹葱葱已數尋蕭森含野氣蒼翠落庭陰  
坐處雲圍盖吟成月滿林栽培元有意霜雪竟難侵  
影接松峰暗香分桂苑深幸承玄景蔭長伴歲寒心

七言排律

遼左奏捷奉  
諭以授略成功賜白金襲衣紀

恩

烽火遼陽暗虜塵鷹揚猛將事專征洗兵青海朝氛



盡牧馬天山暮雪平都護近乘高闕塞匈奴新款受  
降城幄中決策臣何有天上垂衣主自英瑤札忽  
傳奎藻麗錦袍重解聖恩榮讓功真見虞廷美偃武  
還看禹德明四裔只今歌有道書生何用請長纓

七言絕句

應制題畫鹿四首

濯濯仙姿傍碧山瑤光應散在人間祇今周圍歌攸  
伏不數西池獻白環

呦呦頻仰似親人伴鶴參猿復幾春何事便無芳草  
戀爲呈靈瑞感皇仁



吸露栖雲幾歲年從蒼得白轉爲玄  
黎丘不托荒游乘岑野唯鳴湛樂遙

中林騰倚偶成三雜樹青莎性所甘  
上苑嬉遊今已足好歸衡岳伴蘓耽

應制題畫漁人二首

生綃寫就錦江鱗彷彿辭波上釣綸  
見說周王歌在藻願歸靈沼泳皇仁

弱柳文絲繫錦鱗馮誰獻作大庖珍  
若非渭水持竿客定是桐江把釣人

應制題畫馬



神駿元從西極來  
權奇倣儻是龍媒  
君恩放與眠芳草  
騰達終須萬里才

應制題四景翎毛

內苑桃花爛熳開  
萬年春色在蓬萊  
靈禽自解傳人語  
也向君王祝壽來

錦樹丹葩照日紅  
雕闌翼翼引薰風  
瑤池不是來王母  
青鳥何由到漢宮

踈篁叢菊彩娟娟  
馴鴿飛鳴態宛然  
幸得長雛金屋裏  
不愁鷹隼擊高天

苑樹凝寒雪未消  
漸看春色上梅梢  
芳林自可容鳩



拙不向南枝借雀巢

應制咏瓶花六言二首

彩筆圖將瑞萼金  
瓶貯取仙葩冉冉  
清香浥露盈盈  
麗色凝霞

旖旎一叢春色歲  
荄數朶寒香不是  
丹青造化誰知  
禁苑芬芳

漢江古意

漢江東流風揚波  
南船北船愁經過  
舟師縮手抱雙  
槳對客唱公無渡河

襄陽渡頭春可憐  
襄陽城北花含煙  
大隄高樓酒初



熟歡今且駐木蘭舫

安肅道中雪

二月燕山雪尚飛薄雲籠日轉霏微官橋細柳仍含  
凍何處飛花點客衣

自堯率往南臺行空霧中

祝仙堯率接南臺十里煙雲總未開咫尺前峰看不  
見劉郎何路出天台

水簾洞

飛泉在朱陵  
洞最奇絕

誤疑瀛海翻瓊浪莫擬銀河落碧流自是湘妃深隱  
處水晶簾挂五雲頭



聽泉

恰向峯頭窺日出還來松下聽  
泉鳴飛濤跳沫幾千里轉石轟雷一夜聲

飛來船

石船柱  
山畔

石艦飛來幾閱年半落不落雲中懸  
何當棹向銀河去直取支機下九天

應制白鶴吟十首

白鶴翻飛下九重羽衣猶帶露華濃  
清音嚦嚦和仙樂舞影翩翩遶帝宮

仙禽本是仙人驥不向人間振羽毛  
爲愛帝城多玉



樹故隨仙侶下丹霄

青鸞爲侶鳳爲媒萬里遙從閨苑來  
啣得瑤池金母信海桃重見數株開

嘹嘹清唳隔蒼煙片片明霞遶御筵  
金簡忽傳天上字東華初紀大椿年

玉宇翱翔自玉京九霄頓覺往來輕  
昔隨子晉登緱嶺今奉仙皇侍紫清

九華宮闕逼雲開冉冉靈光擁帝臺  
不信仙真臨上界爲看瑞鶴遶天來

度盡煙霞幾萬重夜深還宿蕊珠宮  
馮誰授得長生



微一點靈砂滿頂紅

萬里雲霄見羽儀  
碧天秋日影離離  
祇緣呈瑞來仙苑  
不是乘軒戀玉墀

來時玉雪盤空下  
舞處瓊雲繞座霏  
聖主萬年臨紫極  
仙禽長傍帝鄉飛

素衣不受市塵侵  
飛息長依御苑深  
解祝君王千萬壽  
一聲聲出五雲岑

題呂仙口號

十三歲  
應試作

這個道人黃服藍巾  
分明認得却記不真  
呵呵元來是醉岳陽飛  
洞庭姓呂的先生



題竹

十三歲應試作  
于楚王孫園亭

綠遍瀟湘外疎林玉露寒鳳毛叢徑節只上盡頭竿

文華殿對

念始終典於學期邁殷宗於緝熙卑厥心若稽周后  
○披皇圖考帝文九宇化成于几席游禮闕翔藝圃  
六經道顯於美墻○四海昇平翠幄雍容探六籍萬  
幾清暇瑤編披覽惜三餘○縱橫圖史發天經地緯  
之藏俯仰古今期日就月將之益○西崑峙羣玉之  
峰寶氣高騰冊府東壁耿雙星之曜祥輝遙接書林  
六卷終







